

08-12-2025

आकाशवाणी

खास-खास खबरां:-

- प्रधानमंत्री नरेन्द्र मोदी होर अज्ज संसद च राश्ट्रीय गीत “वंदे मातरम” पर इक विशेष चर्चा शुरु करागंन।
- यूनेस्को दी अंतर सरकारी समीति दा 20मां सत्र अज्ज नमीं दिल्ली च शुरु होआ रदा ऐ।
- गोवा नाइट क्लब च अगग लग्गने आले मामले च 4 लोक गिरफ्तार- न्यायिक जांच दे बी हुकम जारी।
- भारत ते यूरोपी संघ अज्ज नमीं दिल्ली च अपने मुक्त बपार समझौते पर गल्लबात परतियै शुरु करगंन।
- ते हॉकी च भारत नै जंदी रातीं केप-टाऊन च त्रै मैचे दी श्रखला दे पैहले मैच च मेजबान दक्खन-अफ्रीका गी 5-2 कन्नै रहाई दिता।

<><><><><><>

Vande-Matram

राश्ट्री गीत वंदे मातरम दी 150 बरै गण्ड उप्पर अज्ज लोकसभा च विशेष चर्चा शुरु होग। प्रधानमंत्री नरेन्द्र मोदी होर लोकसभा च इस चर्चा दी शुरूआत करडन। पिछले हफ्ते इस बारै जानकारी दिंदे होई संसदीय कार्य मंत्री किरन रिजिजू होरें दस्सेआ हा जे पूरे दिन दी चर्चा 12 बजे शुरु होग। उनें दस्सेआ जे लोकसभा स्पीकर ओम बिरला हुं'दी अध्यक्षता च होई दी सर्वदलीय बैठक च एहू फैसला लैता गेआ हा जे 8 दिसंबर गी “वंदे मातरम” उप्पर चर्चा ते 9 दिसंबर गी चुनांस सुधारें उप्पर बहस होग।

<><><><><><>

UNESCO

यूनेस्को दी अता सरकारी समीति दा 20मां सत्र अज्ज नमीं दिल्ली दे लाल किले च शुरु होग- जेहदी अध्यक्षता यूनेस्को च भारत दे राजदूत ते स्थाई प्रतिनिधि विशाल बी. शर्मा होर करगंन। भारत नै इस बरे यूनेस्को दी अमूर्त विरासत सूचि लेई रोशनी- भाईचारे- दया करुणा- सदभाव ते सामूहिक उत्सव देयाली गी नामांकित कीता गेया ऐ। 6एं दिनें तोड़ी चलने आहले इस कार्यक्रम दा मकसद यूनेस्को दी अमूर्त सांस्कृतिक विरासत सूचि च शामिल होने लेई मिस्र मुल्खे आसेया पेश कीती गेदियें प्रस्तुतियें ते नामांकने दी जांच करना- मजूदा विरासती धरोहरें दी स्थिति दी समीक्षा करना ते अमूर्त सांस्कृतिक विरासत दी सुरक्षा लेई अंतराश्ट्रीय सहायता प्रदान करना ऐ।

<><><><><><>

PM -UNESCO

प्रधानमंत्री नरेन्द्र मोदी होरें आखेया ऐ जे भारत दा आदर्श वाक्य “विकास भी- विरासत भी” इस गल्लै गी दर्शादा ऐ जे आधुनिकीकरण ते शहरीकरण सांस्कृतिक जड़ें गी खत्म करने दे बजाए संस्कृति गी मजबूत बनाना। उनें आखेया जे भारत इस गल्लै गी यकीनी बना रदा ऐ जे कोई बी रिवायत- साधक या समुदाय अनदिक्खा नेई रवै। मोदी होरें एह गल्ल नमीं दिल्ली च अमूर्त सांस्कृतिक विरासत दी राखी लेई यूनेस्को दी अंतर सरकारी कमेटी दे 20में सत्र दे उदघाटन मौके अपने सनेह च आखी। उनें गलाया जे भारत लेई विरासत कदे बी पुरानी यादें दे बारे नेई ऐ- सगुआं एह लगातार ज्ञान- रचनात्मक ते समुदाय दी इक जीवंत ते लगातार बगदा दरिया ऐ।

<><><><><><>

EAM UNESCO

विदेश मंत्री डाक्टर एस. जयशंकर होरें आखेया ऐ जे भारत- यूनेस्को दियें केंई विरासती थाहरें दा संरक्षक ते ऐ गै एहदे कन्नै-कन्नै इन्नै दुनिया भरै च केंई विरासतें दे संरक्षण लेई केंई परियोजनां बी शुरू कीती दियां ना। अमूर्त सांस्कृतिक विरासतें दी सुरक्षा संबन्धि नमीं दिल्ली च अंतर-सरकारी समीति दे 20में सत्र दे उदघाटन समारोह गी सम्बोधित करदे होई- उनें देसै दियें इनें कोशशें दी सराहना कीती ते आखेया जे परम्परां- भाषा ते धेयार संस्कृति दे सब्बनें शा बड़े लोकतांत्रिक पैहलू ना। विदेशमंत्री होरें भारतीय शैहरें हैदराबाद ते लखनऊ गी यूनेस्को सिटी ऑफ गैस्ट्रोनाॅमी दे रूपै च मानता थोने पर बी खुशी प्रगट कीती। उनें अमूर्त विरासतें दे संरक्षण लेई यूनेस्को दी बी सराहना कीती। इस मौके पर बोलदे होई संस्कृति ते सैलसफा मंत्री गजेन्द्र सिंह शेखावत होरें आखेया जे एह बैठक जीवंत परम्पराएं दे संरक्षण लेई देसै दी वचनबद्धता गी दर्शादी ऐ ते इनें परम्पराएं गी संरक्षित करना बड़ा जरूरी बी ऐ तां जे औने आहलियें पीढ़ियें गी विश्व दा पारम्परिक ज्ञान विरासतै च हासल होई सकै।

<><><><><><>

Goa Arrest

गोवा नाइट क्लब च जंदे रोज लग्गी दी अगग दे बाद कारवाई दौरान पुलसै क्लब दे मैनेजर समेत 4 लोकें गी गिरफ्तार करी लैता – जिसलै के नाइट क्लब दे मैनेजर खिलाफ बी गिरफ्तारी वरंट जारी कीता गया ऐ ते उसी फगड़ने लेई तुपाई जारी ऐ। गोवा दे अरपोरा स्थित “बर्च बाय रोमियो लेन” क्लब च गैस सिलेंडर फटने कारण अगग लग्गी गई ही- जेहदे च 25 लोकें दी मौत होई गई ही- जिंदे च केंई विदेशी सैलानी बी शामिल हे।

<><><><><><>

Goa Fire

गोवा सरकार नै उत्थै इक नाइट क्लब च अगग लग्गने दी घटना दी न्यायिक जांच करोआने दा हुक्म जारी कीता ऐ। जियां जे पैहले बी खबर दिती जाई चुकी दी ऐ जे गोवा दे अरपोरा इलाके च कल चिरें राती इक नाइट क्लब च गैस सिलेंडर फटने कारण 25 जनें दी मौत होई गई ही जिसलै जे 8 लोक घाऽल होने होई गे हे।

India EU FTA

भारत ते यूरोपी संघ अज्ज नमीं दिल्ली च अपने मुक्त बपार समझौते पर गल्लबात परतियै शुरु करगंन। दंऊ दिनें दी इस गल्लबात गी दौने धड़े बश्कार बेहतर ते निग्गर आर्थिक सरबंधें लेई लम्मे चिरे थमां जारी जतनें च इक होर अगड़ी गें दे रुपै दिक्खेया जा रदा ऐ।

<><><><><><>

Talengana Rising

तेलंगाना च अज्ज “तेलंगाना राईजिंग” समिट शुरु होआ करदा ऐ। राज्य सरकार गी इस दौरान प्रमुख राष्ट्री ते अंतराष्ट्री कम्पनियें कन्नै कोई 3 लक्ख करोड़ रपे दी रासपूंजी लाने सरबन्धि समझौते पर दस्तख्त कीते जाने दी मेद ऐ। एह समिट हैदराबाद च आर्थिक सम्मेलन दे रुपे च “भारत फ्यूचर सिटी” च शुरु होगा। शिखर सम्मेलन दा मकसद राज्य दी औद्योगिक शक्तियें दा प्रदर्शन- एहदे नवाचार तंत्र पर लौ पाना ते नौजवानें लेई बड्डे पैमाने पर रोजगार दे मौके पैदा करना ऐ।

<><><><><><>

Railway Spl Trains

भारती रेलवे नै कल्लै थमां अगले 3 महीनें तोड़ी बक्ख-बक्ख डिविजनें च 89 विशेष रेल गड्डियां चलाना शुरु करी दिता ऐ। सयालै दे मौसम च बड्डे पैमाने पर बहाई डोआरियां रद्द होने ते यात्रिणें दे बधदे रश गी दिखदे होई विशेष रेल गड्डियां चलाने दी घोषणा कीती गेई ऐ। मध्य रेलवे च पुणे थमां बेंगलुरु, पुणे थमां दिल्ली ते मुम्बई थमां दिल्ली सने बक्ख-बक्ख सस्ते पर 14 विशेष रेल गड्डियां चलाने दी घोषणा कीती गेई ऐ। पच्छिम रेलवे नै भिवानी थमां मुम्बई, मुम्बई थमां शकूरबस्ती समेत कई रूटें पर 7 रेल गड्डियां चलाने दा फैसला लेता गेआ ऐ।

<><><><><><>

Nepal

नेपाल दे चुनांS आयोग नै अगले बरें 5 मार्च गी होने आहले प्रतिनिधिसभा दे चुनाएं दे सिलसिले च सियासी पार्टिणें गी 20 सूत्री निर्देश जारी कीते न। आयोग नै उप्परले सदन, राष्ट्री सभा दे चुनाएं दी तरीक अगले बरे 26 दिसंबर तैय कीती ऐ। चुनां प्रणाली च आवादी दे लिहाज कन्नै नेतृत्व गितै सदस्यें दी गिनतरी यकीनी बनाने लेई हर सियासी पार्टी गी इक तिहाई महिला मेदवारें गी नुमायंदगी देनी होगा।

<><><><><><>

Pak-Attack

पाकिस्तान दे बलूचिस्तान दे त्रै जिलें पंजगुर, खलीकाबाद ते जेहरी च 5 लोकें दियां लोथां लब्बियां न जेदे च उत्थे लोकें दे गुम होने ते उंदिणें हत्याएं गी लेइयै चिंता बधी गेइयां न। मनुक्खी अधिकारें सरबन्धी संगठनें ते कार्जकर्ताणें दा आखना ऐ जे दूर दरेडे इलाकें च अगवा

कीते गेदे लोके दी हत्या, उंदिएं लोथें कन्नै बदसलूकी इक चिंता आहली गल्ल ऐ जेदे पर दुनिया गी ध्यान देना लोड़चदा।

<><><><><><>

Hockey

मर्दे दी हॉकी च भारत नै जंदी रातीं केप- टाऊन च त्रै मैचें दी श्रखला दे पैहले मैच च मेजबान दक्खन-अफ्रीका गी 5-2 कन्नै हराई दिता। भारत दी तरफा शेलनांद लाकडा-आदित्य लालागे- अमित रोहिदास-हरमनप्रीत सिंह ते दिलप्रीत सिंह नै गोल कीते- जिसलै जे दक्खन –अफ्रीका लेई मुस्तफा सैसिएन ते विवे मबाटा नै गोल कीता। दूआ मैच अज्ज भारतीय समें दे मताबक रातीं साडे 8 बजे केप-टाउन च खेडेया जाग। भारती टीम दा दक्खन –अफ्रीका दौरा इस बरे दी खीरी अंतराश्ट्री श्रखला ऐ। भारत एल्लै दुनिया च 7 नम्बरै पर ऐ- जिसलै जे दक्खन-अफ्रीका गी 12मां थाहर हासल ऐ।

<><><><><><>

IMD-Weather

मौसम विभाग नै पंजाब, हरियाणा, पच्छिमी ते पूर्वी मध्य प्रदेश, छत्तीसगढ़, विदर्भ, झारखंड ते ओडिशा च अज्ज बी तगर सीत लैहर जारी रौहने दे इमकान दस्से न। अगले 2 दिनें तगर असम, मेघालय, नागालैंड, मणिपुर, मिजोरम, त्रिपुरा ते हिमाचल प्रदेश च घनी धुंध पौने दे असार दस्से गेदे न। तोआई अंडमान निकोबार, तमिलनाडू, पुदुचेरी ते कराइकल च तेज बहामां झुल्लने ते गर्जी चमकिये बरखा पौने दी बी तवक्को ऐं तोआई, राजधानी दिल्ली च क्षेत्र च बहाऊ दा म्यार बड़ी मती खराब स्थिति आहला बने दा ऐ। केंद्री प्रदूषण नियंत्रण बोर्ड मुजब अज्ज दपैहरी वायु दे म्यार सरबन्धी सूचकांक एक्यूआई 302 दर्ज कीता गेआ।

<><><><><><>